

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u vezi sa članom 112. stav 1. Poslovnika Skupštine Zeničko-dobojskog kantona - Treći Prečišćeni tekst („Službene novine Zeničko-dobojskog kantona”, broj 14/18, 18/18-isp. i 7/19), razmatrajući prijedlog Stručne službe Gradskog vijeća Zenica da se u Program rada Skupštine Zeničko-dobojskog kantona za 2020. godinu uvrsti prijedlog JKP “Zenicatrans-prevoz putnika” d.d. Zenica za donošenje Zakona o obavezama i ovlaštenjima kontrolora operatera javnog prijevoza putnika u Zeničko-dobojskom kantonu, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 41. sjednici, održanoj dana 30.01.2020. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline, broj: 12-34-16430-4-2/19 od 19.12.2019. godine, o prijedlogu Stručne službe Gradskog vijeća Zenica, da se u Program rada Skupštine Zeničko-dobojskog kantona za 2020. godinu, uvrsti prijedlog JKP “Zenicatrans-prevoz putnika” d.d. Zenica za donošenje Zakona o obavezama i ovlaštenjima kontrolora operatera javnog prijevoza putnika u Zeničko-dobojskom kantonu.

II.

Zaključak sa Mišljenjem iz tačke I. dostavlja se Stručnoj službi Skupštine Zeničko-dobojskog kantona, na dalje postupanje.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____/20

Datum, 30.01.2020. godine

Z e n i c a

DOSTAVLJENO:

1x Ministarstvo za prostorno uređenje,

 promet i komunikacije i zaštitu okoline,

1x Stručna služba Gradskog vijeća Zenica, putem ministarstva,

1x Stručna služba Skupštine,

1x a/a.

Na osnovu odredbi člana 112. stav 1. Poslovnika Skupštine Zeničko-dobojskog kantona - Treći Prečišćeni tekst („Službene novine Zeničko-dobojskog kantona”, broj 14/18), Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje

M I Š L J E N J E

Povodom prijedloga Stručne službe Gradskog vijeća Zenica, broj: 12-49-24780/19 od 05.12.2019. godine, da se u Program rada Skupštine Zeničko-dobojskog kantona za 2020. godinu uvrsti prijedlog JKP “Zenicatrans-prevoz putnika” d.d. Zenica za donošenje Zakona o obavezama i ovlaštenjima kontrolora operatera javnog prijevoza putnika u Zeničko-dobojskom kantonu, Ministarstvo za prostorno uređenje, promet i komunikacije i zaštitu okoline Zeničko-dobojskog kantona se izjašnjava kako slijedi:

Uvrštavanje Zakona o obavezama i ovlaštenjima kontrolora operatera javnog prijevoza putnika u Zeničko-dobojskom kantonu u Program rada Skupštine Zeničko-dobojskog kantona za 2020. godinu smatramo preuranjenim iz razloga što je pravni osnov za njegovo donošenje sadržan u Zakonu o cestovnom prijevozu Federacije Bosne i Hercegovine („Službene novine Federacije BiH”, broj 28/06 i 2/10) koji je u fazi izmjena i dopuna.

Federalni ministar prometa i komunikacija imenovao je radnu grupu, koju čine predstavnici kantonalnih ministarstava nadležnih za poslove cestovnog prometa i Federalnog ministarstva prometa i komunikacija, sa zadatkom da pripremi tekst Zakona o izmjenama i dopunama Zakona o cestovnom prijevozu Federacije Bosne i Hercegovine.

Zakonom o izmjenama i dopunama Zakona o cestovnom prijevozu Federacije Bosne i Hercegovine biće obuhvaćen i segment javnog prijevoza putnika tako da je potrebno sačekati donošenje ovog zakona i nakon toga izvršiti procjenu potrebe donošenja Zakona o obavezama i ovlaštenjima kontrolora operatera javnog prijevoza putnika u Zeničko-dobojskom kantonu.

I ako donošenje Zakona o obavezama i ovlaštenjima kontrolora operatera javnog prijevoza putnika u Zeničko-dobojskom kantonu ne bude uvršteno u Program rada Skupštine Zeničko-dobojskog kantona za 2020. godinu Ministarstvo za prostorno uređenje, promet i komunikacije i zaštitu okoline Zeničko-dobojskog kantona može donošenje tog zakona predložiti kao neprogramiranu aktivnost ukoliko se za tim ukaže potreba.